

欽定軍器則例

欽定軍器則例目錄

卷之二

條劍

點驗軍器

點驗

盛京官兵軍器

在京各旗營步軍營巡捕五營委員盤查軍器

查點軍器處分

駐防委員盤查軍器

綠營委員盤查軍器

查驗各營兵丁腰刀

拔鎮接任交代軍器

副將以下等官接任交代軍器

礮營交代

兵丁軍器交代

製造弓張

給發駐防弓箭包裹車輛

弓箭箭枝腰刀撒袋

兵丁修補鳥鎗

弓箭不合式

採伐弓胎

採取樺皮

各省駐防弓箭價值

各省綠營弓箭價值

城門堆撥弓箭價值

張家口賽勒烏蘇軍臺修理弓箭價值

箭價高槩

陵寢官門弓箭撒袋更換限期

隨圍官兵帶甲褂

守禦弓箭及行軍攜帶弓箭軍器器械應官製

賞給武狀元弓箭盛甲

下五旗護軍領用大纛

駐防將軍等旗色

王命旗牌令箭定式數目

鎗靶定式

箭靶定式

王公等弓箭數目

官兵箭枝數目

隨圍王公大臣應帶箭枝數目

新疆北路坐卡侍衛支給鍋帳

巡船遭風沉失軍械

外洋商船攜帶礮械

洋船攜帶軍器數目

商船呈繳礮位

廣東廣州廉州肇慶三府餉渡船隻准給編

號鳥鎗

安集延貿易之人隨帶鳥鎗數目

軍器出京給門票

攜帶軍器

蒙古人帶軍器出口

年滿遣犯派赴南路換防准給軍器馬匹

巴里坤鎮屬東打坂掃雪兵丁月支靴鞋銀

兩

點驗軍器

乾隆四十六年四月內奉

上諭三旗侍衛鑾儀衛章京等廐甲著停其點驗欽此

乾隆五十二年二月內奉

旨文職七品以下武職六品以下微員廐甲軍械嗣後
著停其點驗欽此

嘉慶八年閏二月內奉

旨兵部議奏查明八旗應行點驗廐甲器械官員請
展期辦理一摺著照所議行惟內稱健銳營內務

欽定軍器則例

卷二

條例

府三旗護軍統領圓明園八旗內務府三旗恭遇
大閱並無執事各該營官兵均請免其製備盔甲
此則非是向來健銳各營雖遇大閱之期例無應
行撥甲等事但營政攸關一切盔甲自應如式置
備以壯軍容若因各該營官兵不在大閱數內輒
將所用盔甲竟免製備殊不足以昭體制嗣後健
銳等營不過免其點驗所有盔甲仍著一體自行
製備至文職三品以下不兼武職人員均著免其
製備盔甲欽此

嘉慶九年二月內奉

旨外火器營盛甲著照例免其點驗仍令自行製備
欽此

一八旗王公宗室佐領宗室御史宗室司員等
軍器由宗人府五年一次奏請點驗八旗各
營文武大臣官員盛甲器械兵部五年一次
奏請點驗屆期將親王郡王領侍衛內大臣
滿洲蒙古都統滿洲補授漢軍都統等職名
繕摺具奏恭候

欽點數員會同兵部堂官詳加查驗並咨行侍衛處

出派侍衛十二員抽數箭枝

將各旗營大臣官員箭枝每員

名下各抽取一枝送王大臣查驗後卽送部查對銜名兵部按冊查對如果銜名相符行文各旗營轉飭承辦章京赴兵部領回分給各該員收領如有銜名不符者卽行查辦

八旗滿洲蒙古每旗各派叅領二員會同兵

部司員查點盔甲軍械數目僅有虧缺不全

及不完固者卽行叅奏交部分別議處

詳見查點

軍器處分條內至棉甲號帽收貯

東華門樓內腰刀箭枝撒袋收貯

端門樓內仍派包衣官員於每年四季留心瞭曬
毋致濕鏽至需用時領用每遇奏請查驗八
旗等處廐甲時

派出王大臣就近赴各門樓一體查驗稍有應行修
理者動支官項修理

一八旗各營二品以上文職五品以上武職並
三品以下文員兼署佐領八旗驍騎校兼印
務章京王府長史兼佐領護衛典儀兼包衣
叅領佐領廐甲器械均應點驗健銳營外火

器營內務府三旗護軍營

圓明園八旗包衣三旗護軍營官員盛甲免其點驗仍著自行製備八旗文職三品以下不兼武職人員及各部院候補額外學習司員理藩院委署主事盛甲免其製備其弓刀箭枝撒袋均應一體點驗散秩大臣

上三旗侍衛鑾儀衛章京文職七品以下武職六品以下微員並八旗年未及歲食半俸之世

職官員盛甲軍械俱停其點驗

內年未及歲佐領及侍衛

等官兼佐領並宗室佐領均應點佐領分內
旗肅至散秩大臣在旗行走並由外任以旗
員補用尙未得缺食半俸
人員盟甲器械仍應點驗

點驗

盛京官兵軍器

一

盛京八旗包衣三旗戶禮兵刑工五部并所屬各
城各邊門以及水師營文武官員兵丁盔甲
軍械戰船每屆三年

盛京兵部堂官率領司員點驗一次恭疏具題

在京各旗營步軍營巡捕五營委員盤查軍

器

一在京各旗營

八旗滿洲蒙古驍騎營漢軍驍騎營烏鎗營鑾營藤牌營滿洲

蒙古漢軍新營房左右兩翼前鋒營八旗設

軍營健銳營火器營

圓明園八旗包衣三

旗官兵處內務府三旗護軍營前

鋒營新鎗營陳鎗營城內九門 步軍營及

巡捕五營凡兵丁操演軍裝器械及守禦救

火器具各該管大臣於每年十月內派委妥

員逐細盤查如果均屬齊全取具該管官員

並無缺少印結及委員並無擅飾印結於十

一月內將各項軍裝器械數目註明原領原修年分分營造具漢字細冊並印結咨送兵部察覈彙總具題如有損壞查明已屆修製定限者卽照例報明兵部修製其自備者卽勒令自行修製整齊若未屆定限損壞及無故缺額者卽責令該管官照例賠補仍交部議處儻損壞缺少各械委員盤驗時未經查出別經發覺並扶同結報者均照例分別議處

查點軍器處分

一點驗軍器時厯甲弓矢等項全無者係官革職兵丁鞭一百革退軍器缺額及箭上無字並書寫他人姓名者係官罰俸一年兵丁鞭五十如點驗軍器不堪者係官罰俸兩個月兵丁鞭二十如所屬官兵有厯甲弓矢等項全無及軍器缺少不堪一名至五名者該都統等罰俸三個月該管叅領等罰俸六個月六名至十名者都統等罰俸六個月叅領等

罰俸九個月十名以上者都統等罰俸九個月叅領等罰俸一年二十名以上者都統等罰俸一年叅領等降一級留任三十名以上者都統等罰俸二年叅領等降一級留任罰俸一年至佐領驍騎校等所管兵丁爲數不多有一名至三名者罰俸六個月四名至六名者罰俸一年七名至十名者降一級留任如包衣佐領管領下有十名以上者降一級留任罰俸一年二十名以上者降二級留任

駐防委員盤查軍器

各省將軍都統副都統等於到任時將所屬
同城親標旗營一切軍裝器械限兩個月委
員盤查其外屬各旗營一切軍裝器械限三
個月委員盤查保題一次仍取具該管官員
並無缺少印結及委員並無捏飾印結存案
又於每年十月內將所屬各旗營委員盤查
造冊詳送該將軍都統副都統於封印前保
題將所屬各旗營一切軍裝器械及守禦救

火器具數目原製原修年分分晰造冊送部
查覈如任意遲逾卽照造冊遲延例議處其
每年十月以後有收支軍械卽造入下年題
報冊內送部備委盤保題之後仍有缺少別
經發覺者將從前委查之員罰俸六個月將
軍都統副都統罰俸三個月備委員明知缺
少扶同捏結報稱並無缺少者將缺少本員
及委驗之員各降三級調用

綠營委員盤查軍器

直省各營軍裝器械屬總督巡撫所轄者總督巡撫於十月內委員盤查屬提督所轄者提督於十月內委員盤查皆取本營並無缺少印結及委員並無捏飾甘結存案每年均於封印前保題一次其各鎮總兵歸總督巡撫提督統轄者亦於十月內委員盤查取具該管官及委員印甘各結總兵加具保結詳送總督巡撫提督查覈由該總督巡撫提督

俱於封印前保題一次其不歸總督提督統轄者該總兵於十月內委員盤查亦於封印前自行保題一次將所屬各營一切軍裝器械及守禦救火器具數目原製原修年分分晰各標營造冊并保結送部查覈如任意遲逾卽照造冊遲延例議處其每年十月以後有收支軍械卽造入下年題報冊內送部若委盤保題之後仍有缺少別經發覺者將從前委查之員罰俸六個月總督巡撫提督總

兵罰俸三個月儻委員明知缺少扶同捏結
報稱並無缺少者將缺少本員及委驗之員
各降三級調用

查驗各營兵丁腰刀

一各營汛兵丁所帶腰刀該管官不時駐
有白鐵無鋼者經該管督撫提鎮委官
將兵丁重責革伍該管官罰俸一年

提鎮接任交代軍器

一凡提鎮卸事時將所屬各營一切軍器註明
名色件數原製原修年分并分別堪用不堪
用字樣造具交代清冊移送新任提鎮照冊
點驗如果均屬齊全卽加具並無缺少印結
徑行送部兵部與該督撫年終保題冊覈對
儻有虧缺照例議處所少器械仍指名著落
賠補

副將以下等官接任交代軍器

一各直省副將叅將遊擊都司守備千總等官
接任交代時將營中庫貯一切軍裝礮械救
火器具并城門堆撥墩汛等處排列各項軍
械各就本管之處查明交代陝西甘肅二省
督撫提鎮標下中營俱限四十日交代明白
雲南督標提標臨元等六鎮以及貴州提標
安義等四鎮俱限五十日交代明白其餘各
標協營并江蘇安徽江西山東直隸山西河

南浙江福建四川湖南湖北廣東廣西等十
四省俱限一個月內交代明白離任官員取
新任官查收清楚回文方許起程接任官員
如已經交盤並無缺少造冊出結聲明到任
交盤清楚各日期通報總督巡撫提督總兵
專案造冊報部如交盤之時舊官推卸玩延
新官勒指隱捏以及交代遲延均照交代錢
糧盜案例分別議處如軍械有缺額殘缺者
照軍器缺額及修整器械例分別議處賠補

礮營交代

一 八旗礮營叅領等接任時將礮局所貯礮位及一切應用什物按冊查明具結交代如有殘缺損壞卽據實申報都統著落原管官賠補如徇情容隱接受者將接管官降一級留任所有殘缺損壞物件卽著落接管官賠補

兵丁軍器交代

一八旗官兵遇陞遷事故缺出其本人舊有軍器係動官項置備者卽照數給與頂補之人若係伊等自備者除官員之軍器聽其目便外至兵丁之軍器該管官酌其置備之年分作定價值給與新頂補之人卽將頂補之人應領錢糧照指餉製造軍器之例限二十個月扣完給付舊兵該管大臣將所屬官兵軍器於每歲立冬之後查閱一次各該叅佐領

亦詳加查閱至新補官員兵丁有願自製軍
器者限三個月置備如有將關給軍器私賣
者係官革職兵丁革退均交刑部照律治罪
其失察之該管官罰俸一年

製造弓張

一製造官弓交八旗弓匠固山達成造係軍需
應用者由兵部挑取好者差員解送係各處
支領者由該處差領之員同該旗弓匠固山
達等挑取至各省總督巡撫提督總兵將軍
都統副都統及武狀元等賞給弓張俱係八
旗弓匠成造兵部支取給發

給發駐防弓箭包裹車輛

一造給各處駐防弓箭每弓一張用棉布二尺
五寸熨麻半斤小竹杆一根每箭十枝用山
西毛頭紙一張戰箭三百枝爲一捆大鈚箭
長鈚箭二百枝爲一捆每捆用棉布五尺油
紙二張寬四尺長三尺黑氈一塊細麻繩一
丈五尺箭囊一個再每弓一張連包裹計重
三斤箭囊裝戰箭在內每個計重五十二斤
裝大鈚箭長鈚箭在內每個計重四十五斤

每六百斤需車一輛每車一輛需用油布單
一塊長六尺寬四尺麻繩一根徑七分長三
丈丈席二領以上棉布山西毛頭紙油紙等
項行文戶部支領纛麻每斤折給連二繩一
斤小竹杆黑氈油布單麻繩箭囊丈席等項
行文工部支領如遇秋冬雨水稀少油單母
庸支領車輛兵牌勘合兵部給發

承造箭枝腰刀撒袋

一在京八旗及各省駐防凡遇行取箭枝腰刀撒袋等項由兵部覈准後將箭枝撒袋交武備院製造腰刀交造辦處製造

兵丁修補烏鎗

一八旗兵丁等烏鎗損壞報明該管大臣查明
原製原修年分咨報兵部由部按例覈准轉
送兩翼鐵匠局補用造

弓箭不合式

一八旗匠役製造弓箭擅改式樣貨賣者鞭五十所造之物入官

採伐弓胎

一採伐弓胎於八旗內揀選諳練弓匠固山達
一名每旗派弓匠頭目一名弓匠十名各騎
官馬給領四十日盤費每年於昌平密雲等
處伐弓胎弓梢五千二百副武備院揀取二
千副餘剩三千二百副每旗分散四百副以
備製造賞弓之用於隣近驛站支取車輛運
送至京其採取木胎所用有餘隔年採取如
不敷用再行具

奏添採

採取樺皮

一吉林將軍隔一年派撥官兵採取樺皮二萬張送部內三千張進

上二千張交武備院一萬五千張交下五旗每旗分散三千張以備製弓之用

各省駐防弓箭價值

伊犁駐防

戰箭每枝價銀五分

乍浦駐防

弓每張價銀一兩二錢七分

箭每枝價銀三分四釐

直隸等省駐防

製造弓箭照各該省綠營價值覈銷

各省綠營弓箭價值

直隸省

弓每張價銀一兩五錢

大箭每枝價銀四分

戰箭每枝價銀三分

江南省

弓每張價銀九錢五分

撒袋箭每副十九枝價銀五錢四分

哨船餘箭每枝價銀二分五釐

製造戰箭每枝價銀三分

修理戰箭每枝價銀一分五釐

江西省

弓箭照江南之例覈銷

浙江省

弓每張價銀一兩零五分

箭每枝價銀三分

福建省

弓每張價銀一兩零九釐

小朔弓每張價銀七錢五分六釐

戰箭每枝價銀二分三釐八毫

河南省

弓每張價銀一兩零分

戰箭每枝價銀三分

山東省

弓箭照河南之例覈銷

山西省

弓每張價銀一兩零五分

金匱要略卷之二十一
戰箭每枝價銀二分二釐五毫

靶箭每枝價銀三分

大箭每枝價銀八分五釐

陝甘省

弓每張價銀一兩一錢三分

長鉞箭每枝價銀六分

鴨嘴箭每枝價銀三分五釐

戰箭每枝價銀三分四釐

四川省

弓每張價銀一兩二錢六分三釐七毫

戰箭每枝價銀三分五釐

廣東省

弓每張價銀一兩零五分

戰箭每枝價銀二分二釐

大鈹箭每枝價銀三分

撒袋箭每副十三枝價銀二錢一分

廣西省

弓每張價銀八釐

戰箭每枝價銀一分二釐

湖南省

弓每張價銀一兩零五分

戰箭每枝價銀二分

湖北省

弓每張價銀一兩零五分

戰箭每枝價銀二分六釐九絲六忽八微七

塵

撒袋箭每副十八枝價銀三錢五分

雲南省

弓每張價銀一兩零五分

戰箭每枝價銀三分

弩弓每張價銀一錢四分五釐八毫四絲

鐵弩箭每枝價銀六釐

竹弩箭每枝價銀二釐

弩弓弦每條價銀四分三釐

弩箭筒每個價銀二錢四分五釐一毫八絲

弩箭匣每個價銀二錢一分五釐七毫八絲

貴州省

弓每張價銀一兩零五分

戰箭每枝價銀三分

城門堆撥弓箭價值

一八旗修製各城門堆撥處所懸掛弓箭製造
角弓每張價銀一兩八錢四分製造戰箭每
枝價銀四分修理角弓每張價銀一兩一錢
修理戰箭每枝價銀二分四釐

張家口賽勒烏蘇軍臺修理弓箭價值

一 張家口軍臺二十三座賽勒烏蘇軍臺二十
一座共軍臺四十四座每屆三年將蒙古包
帳房弓箭檢其實有損壞者報部修理一次
兵部將修理弓一張准銷銀二錢修理箭一
枝准銷銀一分其蒙古包帳房需用工料移
咨工部覈銷

箭價高擡

一青鶴翎配頭等弓者每把箭五枝原價銀一兩五錢不得過一兩八錢二等者原價銀一兩四錢不得過一兩六錢三等者原價銀一兩二錢不得過一兩四錢蟬鶯翎配頭等弓者原價銀一兩四錢不得過一兩七錢二等者原價銀一兩三錢不得過一兩五錢三等者原價銀一兩二錢不得過一兩三錢鵝鵠翎頭等者原價銀一兩二錢不得過一兩四

錢二等者原價銀一兩一錢不得過一兩三錢三等者原價銀八錢不得過一兩鶴翎頭等者原價銀九錢不得過一兩二等者原價銀七錢不得過八錢鶴翎頭等者原價銀六錢不得過七錢二等者原價銀五錢不得過六錢芝麻鵬戰箭每百枝原價銀六兩五錢不得過八兩鴈雜等翎每百枝原價銀四兩不得過五兩定價之後儻舖戶任意高擡時價者許兵丁首告照把持行市賣物以賤爲

貴者杖八十律治罪

箭門弓箭撒袋更換限期

一凡

箭門弓箭撒袋十年更換一次弓張由兵部行文
八旗轉飭弓匠固山達於存貯弓內挑選送
部給發箭枝咨行武備院送部給發其撒袋
等項由工部製造給發

弓張翻壞隨時送部
交弓匠固山達修理

隨園官兵帶甲褂

一凡恭遇

皇上巡幸地方由兵部行文八旗令隨往官兵各帶

甲褂

守禦弓箭及行軍攜帶弓箭軍裝器械應官

製

一各直省標營守禦軍械內弓箭檄袋屆限損壞准其報明分別修製至行軍攜帶之梅針箭爲破敵利器營庫現有存貯者均應謹慎收藏如遇需用不敷歸入軍需項下製造其尋常操演之大鈚翎花箭及撒袋箭枝應令兵丁自備至例載自備軍裝器械如遇行軍攜帶損壞遺失亦准其官爲修製

賞給武狀元弓箭盛甲

一賞給武狀元弓張於八旗存貯弓內咨取給
發箭枝咨行武備院送部給發其盛甲撒袋
鞋帶等項咨行工部製造送部給發

下五旗護軍領用大纛

一凡遇查驗軍器之時下五旗護軍大纛由兵部行文該旗轉行各王門上領取以備應用

駐防將軍等旗色

一將軍都統副都統纛旗由工部製給

盛京西安江寧伊犁將軍察哈爾

熱河都統用鑲黃旗色綏遠城將軍用三角鑲黃

旗色吉林寧夏杭州福州將軍歸化城青州

山海關張家口副都統用正黃旗色黑龍江

荊州廣州成都將軍涼州密雲副都統用正

白旗色

王命旗牌令箭定式數目

雍正三年六月內奉

旨各直省督撫提鎮舊例均有頒發王命旗牌所以重節鎮之權崇天室之威也但傳守既久或遇地方卑濕蟲蛀漆剝或因閱歲滋多形製毀敝而該督撫提鎮等以旗牌損壞例當恭處但藏之神筭不敢修整甚有豫防損壞將所頒旗牌收貯照樣另造者尤爲不可嗣後各督撫提鎮所頒王命旗牌務須加謹收護勿致損傷亦不得另造其有地方卑濕閱歲滋多

不免蟲蛀漆剝形製毀敝者從寬免其處分聽其一面照式整修一面咨部特諭欽此

一

王命旗牌旗色藍方廣二尺六寸兩面銷金清漢令字各一清漢令字上各鈐兵部印旗杆一長如旗木頂朱緯髦牌檄木質通高一尺有二分圓徑七寸五分厚一寸朱髦上刻荷葉形綠髹牌二面刻清漢令字各一懸於槍上槍長八尺榆木爲之鐵槍槍冒髹以黃繪龍垂

以朱髦牌邊槍杆均刻清漢令字第幾號填以金俱由工部製造後將旗面移送兵部鈐蓋印信給發

一旗牌經畧定十二副總督掛印總兵官各十副巡撫提督八副總兵官五副

一令箭旗面大將軍將軍督撫提鎮均用三角旗駐防將軍都統副都統均用方旗咸以雲緞爲之三角旗高一尺八寸斜長三尺下闊二尺四寸大將軍將軍本旗色督撫提鎮黃

色方旗高一尺五寸五分闊九寸五分均銷
清漢金令字及清漢官銜箭鏃以鐵爲之二
面鍍銀清漢令字下鍍銀清漢十二辰字由
工部製造移送兵部配製箭羽鈴印頒發

鎗靶定式

一各省營中鎗靶式樣毋得過於寬大演放坐鎗其靶高二尺寬九寸厚一寸座長一尺二寸寬五寸厚三寸演放立鎗其靶高五尺寬二尺厚六分

箭靶定式

一各省營中演箭布靶式樣高四尺七寸寬一尺如有擅用高寬布靶者查明叅奏照違制例議處

王公等弓箭數目

一親王箭三千枝弓十張世子箭二千五百枝
弓九張郡王箭二千枝弓八張長子箭一千
七百枝弓七張貝勒箭一千五百枝弓六張
貝子箭一千枝弓六張鎮國公箭七百枝弓
四張輔國公箭六百枝弓四張鎮國將軍箭
四百枝弓二張輔國將軍箭三百枝弓二張
奉國將軍箭二百枝弓二張奉恩將軍箭一
百七十枝弓二張

官兵箭枝數目

一八旗官兵箭數公五百五十枝侯五百枝伯
四百五十枝一品官四百枝二品官三百五
十枝三品官二百五十枝四品官二百枝五
品官一百五十枝六品以下官一百枝其文
職三品京堂照二品官例四品京堂科道郎
中照三品官例員外郎照四品官例主事鳴
贊六品廕生七品八品廕監生照五品官例
筆帖式照六品官例前鋒護軍親軍領催等

七十枝披甲人五十枝此定數內若職任大者照職任箭數官品大者照官品箭數

一綠營官兵箭數總督巡撫提督總兵四百枝副將三百五十枝叅將遊擊二百五十枝都司二百枝守備一百五十枝千總把總一百枝外委七十枝馬兵四十枝步兵三十枝一體自行備造年底造入軍器冊內盤查保題

隨園王公大臣應帶箭枝數目

一恭遇

巡幸地方隨園王公大臣應帶梅針箭枝親王
二百枝世子一百八十枝郡王一百六十枝
長子一百四十枝貝勒一百二十枝貝子一
百枝鎮國公八十枝輔國公七十枝鎮國將
軍六十枝輔國將軍五十枝奉國將軍四十
枝奉恩將軍三十枝公八十枝侯七十枝伯
六十枝一品大臣五十枝二品大臣四十枝

三品大臣三十枝

新疆北路坐卡侍衛支給鍋帳

一派往新疆北路伊犁塔爾巴哈台坐卡侍衛
由哈密支給鍋帳帶赴差所應用年滿仍
交回收貯公庫以備再行支給

巡船遭風沉失軍械

一各省巡洋官弁管駕哨船在洋陡遇暴風擊碎船隻漂沉軍械水師巡洋官員卽速呈報督撫提鎮委員確驗實係人力難施並非管駕不慎出結保題免其賠補動支錢糧修造如有捏報情弊將捏報之員革職提問濫行出結官革職不行查明具題之總督巡撫提督總兵降一級留任

外洋商船攜帶礮械

嘉慶九年十一月內事

上諭前據襄行簡奏請仍禁商船配帶礮械出洋降
旨諭令玉德等體察情形詳議具奏茲據奏稱往
販外夷之大洋船該商等資本重大應仍准其照
例每船攜帶礮位火藥烏鎗腰刀弓箭等項不得
逾例多帶其在內地南北兩洋貿易商船一概不
准配帶礮械等語外洋商販船隻貨重道遠若不
准令配帶礮械設中途遇盜不足以資防禦然准

令配帶漫無稽覈恐出洋以後盜匪乘機刦奪轉致藉寇兵而竊盜糧並恐奸商牟利以之濟匪亦所不免嗣後除內洋船隻不准配帶外其外洋商船著照所議准其按照舊例攜帶礮位器械等件不得有逾定額仍著於船隻出洋時飭令海口員弁將攜帶礮械數目驗明並無多帶填給執照放行俟該商進口時仍將原領執照送官查驗並令該商將在洋曾否禦盜據實呈明礮礮械或有短缺卽令其將因何失落緣由詳悉聲明一一登記

以備稽考如有捏報情事別經發覺卽將該商按
例懲治如此立定章程自可不致滋弊該督撫當
嚴飭海口員弁實力奉行毋得縱容吏胥啟勒索
詭詐之端爲要欽此

洋船攜帶軍器數目

一往販東洋南洋大船攜帶烏鎗不得過八杆
腰刀不得過十把弓箭不得過十副火藥不
得過二十斤洋商投行買貨卽同牙人將應
帶軍器數目呈明海關給票照數製造整書
姓名號數完日報官點驗填入照內守口官
弁驗明放行回日如有短少卽行訊究果係
遺失取通船甘結存案

一往販東洋南洋大船攜帶之礮每船不得過

二位火藥不得過三十斤造礮時呈明地方
官給與印票赴官局製造完日地方官親驗
鑿鑿某縣某人姓名某年月日製造字樣仍
於照內註明所帶之礮輕重大小以備海關
及守口官弁察驗回日繳官貯庫開船再行
請領儻本船遭風礮致沉失卽於所在地方
官報明免其治罪如其船無恙妄稱沉失者
卽行訊究若商船內買有外番紅銅礮許其
帶回交地方官給與時價以充鼓鑄之用

商船呈繳礮位

一出洋商船如有在外国置買礮位防禦盜賊者進口之時卽開明銅鐵礮位斤重數目告知守口員弁前赴有司衙門呈繳地方官秤驗輕重酌給價值存貯局庫其中有可需用者發給礮位較少之營分以供操防如不堪應用卽將銅鐵斤重數目移知就近營汛遇有製造軍械之時領取應用仍由總督巡撫於每年年底將一年內商船進口有無呈繳

破位及呈繳若干給價若干查明彙報戶部
兵部稽查

廣東廣州肇慶三府餉渡船隻准給編
號鳥鎗

嘉慶十年九月內據兩廣總督那彥成奏廣東
廣州廉州肇慶三府餉渡船隻准其攜帶鳥
鎗以資禦盜而護商旅一摺奉

上諭據那彥成等奏餉渡船隻額准攜帶鳥鎗以資
禦盜而護商旅一摺此項餉渡船隻載送客商餉
貨取道內洋海面自應准其攜帶鳥鎗俾資捍衛
著照該督等所請卽照出洋商船之例每船酌給

編號烏鎗四杆每次酌給火藥三斤欽此

安集延貿易之人隨帶烏鎗數目

一安集延等處前赴烏什貿易之人所帶防身
烏鎗在五杆以內者准其隨帶如有多帶入

官貯庫

軍器出京給門票

一外省官員差人置買盔甲等項軍器用印文
投部方准購買兵部仍給印票令守門官驗
實放行如無印票卽係私買守門官盤獲呈
解兵部轉送刑部議罪如無印票將軍器私
行放出者將城門領城門吏門千總各罰俸
三個月領催兵丁鞭五十

攜帶軍器

一文武官員出差赴任歸旗回籍及兵役因公
差遣商民人等出外貿易等事除鳥鎗不許
攜帶外如有攜帶弓箭腰刀長靶刀長槍等
項軍器途中防護者在京由兵部給票在外
取該差遣上司及該管地方官印票將所帶
件數於票內註明以備出城沿途照驗俟到
日將原票繳官轉送各該處查銷如無票私
帶及票外多帶者係官罰俸六個月無職人

鞭八十民人責三十板若隱匿原票一月以
外不繳者係官罰俸三個月無職人鞭五十
民人責二十板

蒙古人帶軍器出口

一蒙古人進口守口官兵查明人數軍器記檔
出口時查對原檔多帶者不許放出其喀爾
喀額魯特及各扎薩克等如有添丁編佐領
初次製買軍器或將年久破損軍器修補者
該扎薩克將置買軍器數目開明出具印結
呈送理藩院查明軍器等物過多係全副者
具奏請

旨再令購買如所買物件無多係尋常帶去應用者

移咨兵部給與口票該守口官驗明部票放行若比票內多帶或比原進口之數多帶者報明理藩院議罪其官員民人將軍器賣給蒙古及守口官兵知情故縱者俱交刑部議罪不知情放出者守口官革職該管上司降五級調用將軍都統副都統降三級留任

年滿遣犯派赴南路換防准給軍器馬匹

一發往烏魯木齊巴里坤之滿洲蒙古人犯到
配年滿入旗當差派赴南路換防每名辦給
撒袋一副弓一張箭三十枝腰刀一口鞍韉
一副九龍袋一副火藥烘藥葫蘆各一副藥
筒九箇火繩各五條每四名合給鍋帳一頂
副除鍋帳鞍韉箭枝九龍袋火繩在於烏魯
木齊城守管照數撥給其弓箭撒袋腰刀火
藥葫蘆烘藥葫蘆藥筒等項每名折給銀二

金匱要略卷之八
雨五錢四分一釐在於州庫存貯房租銀內
給發製買

巴里坤鎮屬東打坂掃雪兵丁月支勒鞋銀

兩

一巴里坤鎮屬東打坂掃雪兵丁四十名每名
月支勒鞋銀三錢歸於本營公費銀內造冊
咨部覈銷